

0310

U 8036 AAB

MAHATHIR - RINGGIT R' R' R'

JOHOR BAHRU, 22 JAN (BERNAMA) -- DATUK SERI DR MAHATHIR MOHAMAD HARI INI BERKATA NILAI RINGGIT YANG LEBIH RENDAH BERBANDING DENGAN DOLAR SINGAPURA BUKANLAH SATU MASALAH BAGI NEGARA INI.

PERDANA MENTERI BERKATA SOALNYA SAMA ADA MALAYSIA BOLEH MENGEKSPORT ATAUPUN TIDAK, SAMBIL BERKATA SEKIRANYA RINGGIT MALAYSIA MURAH, BARANGAN MALAYSIA AKAN MENJADI MURAH.

+KITA KELUARKAN BARANGAN YANG BUKAN BERSAING DENGAN SINGAPURA, KITA BERSAING DENGAN NEGERI THAI DAN INDONESIA DAN NILAI MATAWANG INDONESIA, UMPAMANYA, TELAH TURUN DENGAN BANYAK DAN JUGA NILAI MATAWANG BAHT TIDAK MENINGKAT BANYAK.+

+JADI KALAU KITA KEJAR SINGAPURA, MAKA BARANGAN KITA TIDAK DOLEH BERTANDING DENGAN BARANGAN YANG SAMA YANG DIKELUARKAN OLEH INDONESIA DAN NEGERI THAI,+ KATANYA PADA SATU PERSIDANGAN AKHBAR DI SINI.

DATUK SERI DR MAHATHIR JUGA MENYENTUH MENGENAI CADANGAN PERTUBUHAN KOKO ANTARABANGSA YANG HENDAK MENGENAKAN DUTI TAMBAHAN KEPADA EKSPORT KOKO NEGARA BUKAN AHLI, SAMBIL BERKATA: +BIASANYA SATU-SATU DASAR YANG DISKRIMINASI KEPADA SATU BUAH NEGERI ITU TIDAKLAH SECOCOK DENGAN AMALAN PERDAGANGAN ANTARABANGSA.+ -- LAGI 1749MST 22 01 88

0321

U 8040 AAB

MAHATHIR - RINGGIT 2 JOHOR BAHRU

DATUK SERI DR MAHATHIR JUGA MENYAMBUK BAIK LANGKAH KERAJAAN AMERIKA SYARIKAT MENYOKONG HASRAT MALAYSIA UNTUK MENDUDUKI SATU KERUSI DALAM MAJLIS KESELAMATAN PERTUBUHAN BANGSA-BANGSA BERSATU.

PENOLONG SETIAUSAHA NEGARA AMERIKA SYARIKAT BAGI HAL EHWAL ASIA TIMUR DAN PASIFIK, DR GASTON SIGUR, BERKATA DI KUALA LUMPUR RABU LEPAS BAHAWA AMERIKA SYARIKAT AKAN MENYOKONG HASRAT MALAYSIA ITU SEKIRANYA ADA PERSETUJUAN DI KALANGAN NEGARA-NEGARA ASEAN YANG LAIN.

PERDANA MENTERI BERHARAP LEBIH BANYAK NEGARA MENYOKONG HASRAT MALAYSIA ITU.

MENGENAI KEDUDUKAN TIGA AKHBAR YANG PERMIT MEREKA DIBATALKAN OLEH KERAJAAN, DATUK SERI DR MAHATHIR BERKATA KERAJAAN BELUM MEMBUAT KEPUTUSAN MENGENAINYA, SAMBIL BERKATA: +BILA KITA BERASA KITA PATUT LULUS, KITA LULUS....MENGIKUT FAKTA-FAKTA YANG DISAMPAIKAN YANG MEMERLUKAN PERTIMBANGAN TETAPI WAKTU INI BELUM DAPAT FAKTA-FAKTA.+

MENGENAI PERTANDINGAN REKABENTUK RUMAH KOS RENDAH ANJURAN KERAJAAN JOHOR, BELIAU MEMUJI LANGKAH TERSEBUT DAN BERHARAP NEGERI-NEGERI LAIN HARUS MENERIMA REKABENTUK YANG TERPILIH DAN CARA-CARA PEMBINAAN RUMAH-RUMAH ITU.

-- BERNAMA

1815MST 22 01 88